


聖

Blank label area



遺像題詞卷四

謝履忠

昆臯癸未檢討雲南昆明人

間氣鍾名世昌期誕喆人商興天賚說周啟嶽
生申豐沛星精孕金貂世葉新中朝推令望四
海仰丰神偉伐雲臺冠嘉謨宣室陳鸞坡遲日
影豹尾奉車塵翼亮兼文武推賢悉鳳麟明良
一德契魚水

九重親啟沃

天心悅謙和相業純休休三吐哺斷斷一師臣房杜

端樞席舉夔秉國鈞風雲時旣協丘壑志猶伸
旭景看花侶朱門却掃身引年辭密勿

眷舊起平津

顧問移華炬陪遊

賜上珍蒼生被霖雨庶類仰陶甄不意龍蛇厄俄驚
梁棟湮易名崇典禮

錫命勒貞珉天道良難問輿情自有真遺容瞻拜肅
仰止淚沾巾

馬

豫

觀我丙戌檢討陝西綏德州人

巖巖泰岱高上與雲霄齊千古具瞻仰俯視塵
寰低猗歟維我公庶足與端倪星宿羅胸臆天
地鍾靈竒輔此唐虞治勲業在鼎彝優游蹇綠
野旋復歸黃扉股肱正倚賴胡為遽騎箕

聖心眷耆碩追悼脩

恩施存歿極哀榮咸歎世所希叨隨諸子列獨嗟失
型儀只今覩遺像几筵宛在茲聊此溯平生再
拜謹致辭

張懋能

莪齋丙戌檢討江西奉新人

藹兮春煦肅兮霜寒矩不遺步言必擇安青天
白日威鳳祥鸞遭逢

聖明蔚為國翰星馳使節月照征鞍夙夜匪懈力瘁
心殫揚休臺諫風紀

朝端晉秩銓衡表正百官清芬遐布白璧斯完
帝簡鹽梅中外交歡

予告家食旋起會餐孝友存心
鳳詔流丹耆碩佐斗

天題渙汗勲垂竹帛名耀琅玕哲人云萎輟春長歎

衛昌績

鐵峯丙戌檢討山西陽城人

盛朝景運岳生賢相國乘時秉化權一代勲名今古
絕

九重眷顧始終全入林望自東山起佐斗心惟
北闕懸聞道曲江風度遠幾回神注
至尊前

午橋晴日屐痕通吏散瀛洲道氣融承旨黃麻
批荅後相君白榻笑言中鶴飛華表迎涼月人
到西州哭晚風回首舊時光霽在仰瞻遺像思

何窮

陳均 一泓丙戌檢討江南江陰人

君不見恭默思道旁求急帝賚良弼輔台德又
不見袞衣繡裳歌九罭制作經營家相力盛事
於今孰繼之喜起明良會有時白麻

詔旨從天下特簡元臣重倚毗倚毗不獨自茲始

帝眷昔曾經歷試嘗啣使節到粵黔更奉軍麾息烽
燧給事黃門靖獻多晉階烏府挽頽波冬官地
官咸稱職秩隆冢宰政不頗

聖主宵衣求治切秉鈞須仗濟時傑尊居政府效股
肱夾日擎天非忝竊八載黃扉位望高太平佐
理矢賢勞功成身退歸林下徜徉物外任遊遨
未幾蒲輪馳

命至再起東山仍視事

天語琳瑯褒獎優報稱情深無倦志歲在龍蛇可奈
何蒼生失望涕滂沱易名布奠

恩稠疊彝鼎銘勲永不磨賢嗣啣悲悼風木音容追
倣圖方幅儼然如在警效聞出入對之必虔肅

從來直道有公評雖死猶生垂今名千秋功德
標青史仰溯芳徽感夢楹

李鍾我

芝麓丙戌檢討四川通江人

發祥豐沛域奮跡泰寧時世績攀

龍御嘉猷叶鳳儀精勤

王者眷孝友

聖人知粵嶺清煙瘴黔疆靜鼓鼙南征馴兕象北伐
馭熊羆直節干官仰訐謨九列推冬卿平水土
冢宰肅寮司

丹禁抒忠切黃扉

簡弼宜鹽梅經手易冰蘖凜心危

紫極恩方重東山興早移民皆懷旦奭

帝實念準夔

再召參鈞軸元僚荷棟榱騎箕嗟太遽萎木嘆難追

他日瞻遺像景行動遠思

嚴思位

西武己丑檢討浙江平湖人

元氣調金鼎台星晦紫微作霖居首輔夾日有
餘暉青史垂遺業蒼生歎息機傷心鳳池上無

復啟黃扉

再起東山望還依

黼座尊易名孚衆議

錫典賁殊恩報

國惟忠欵傳家乃相門貽謀知所答賢子與賢孫

陸紹琦

景韓已丑檢討浙江嘉興人

盛治資良弼台階有典型忠誠孚

聖主孝友式明廷論道心爲鑑調元德是馨沙堤霖
雨潤薇閣鳳鸞停玉燭光交泰金甌倚永寧乞

休還視事平格異遐齡共仰維中極俄驚落大
星名應垂竹帛圖合炳丹青

黼座懷常軫蒼生涕每零文華留矩範簡靜肅儀形
氣溢騎箕路神依旋馬廳宗臣遺像在奕禩想
精靈

馬

益

惠我已丑檢討陝西綏德州人

休休藹度鎮羣僚萬頃滄波靜不淆說命並傳
霖雨業泰交真值地天交

錫名身後輝家乘奉祭樽前出上庖遺像他年麟閣

內好持彩筆立銀坳

妙手能將褒鄂圖豈如元老著規模名家藹吉

承

天眷政府寅恭贊

帝謨瑞日千齡瞻際合寒星半夜動嗟吁光儀宛在

頻思舊耿耿心神付藐孤

張大受

日容己丑檢討江南嘉定人

一自商巖下披圖協夢中淵冲昭雅度淳樸挽

頽風

天意深耆舊臣心託始終丹青留不朽霖雨業常崇

晚愛林泉樂

君恩未許閒鞠躬依

北闕力疾起東山雪髻看猶是雲輶竟不還哀榮

堪萬古灑涕滿人寰

黃趙音

秩齋己丑檢討江南無錫人

孰繪凌煙第一人雙眸炯炯髻如銀廟謨九級

推良相功業千秋屬老臣揮扇坐看烽火靜從

龍欣遇海天春靈犀方寸知難狀粉本傳來恐未真

顧五達

仲山已丑檢討浙江海寧人

曲江風度剋熙時中外昇平荷

主知曾陟巖廊三聽履再居首輔獨論思煌煌相業
標麟閣卓卓清聲滿鳳墀耆舊痛嗟長萎逝道
旁知否盡銜悲

駢闐

卹典賁泉局篤念勤勞禮自崇

宸翰豐碑鐫耀日

天潢奠筭灑臨風

褒忠鳳闕傳嘉謚沐德鵷行誌飾終不朽有三公獨

備音容髣髴畫圖中

高維新

雨嵐已丑檢討直隸寧晉人

樞府洪鈞運宗臣翼贊良昇平調玉燭元吉燦
黃裳望岱方崇雨瞻台忽掩芘隆名留竹帛遺
像肅蒸嘗追憶夔龍盛還思嵩嶽祥幼徵廊廟
噐哀廢蓼莪章吏治勤逾敏家聲起更揚獬冠
除貔貊弧矢掃欃槍出納司喉慎明良拜手颺
山公猶啟事枚卜已升堂進退思寧斲謀猷告

必詳作霖兼作楫無怠亦無荒

寵澤從天錫謙衷若谷藏引年方告退接晝正難忘
斲卧東山謝旋徵潁水黃何當星隕地竟爾劍
埋光早應龍蛇識空餘日月長相門欣有後錫
類自無疆畫客延高手傳神妙擅場靈臺堪寫
照生氣若回僵笑語無從接衣冠儼在旁楷模
應識李風度得如張共仰几筵側羣推子姓昌
丹青垂不朽德業永相將

曹掄彬

炳庵已丑檢討貴州黃平人

台星八載耀黃扉帷幄經綸却讓誰私第懸車
方引息東山起駕復分釐旂常已著生前績碑
版猶傳歿後詩遺像虎頭神妙筆曲江風度繫
人思

謝履厚

坤侯已丑檢討雲南昆明人

當代勲名屬老臣照人風彩畫麒麟黃扉八載
勞匡弼青史千秋頌甫申精白爲心生矢志端
凝表度歿留神東堂劍履聲虛寂宛在遺容百
世珍

鄧葵友

湘嵐已丑檢討廣西全州人

燮理陰陽

帝座傍堂廉一德奏匡勦心存孝友

宸章煥世篤忠貞大業芳周誥和平傳令德虞廷喜
起頌休光乘箕天上雖難挽千載勲名史冊彰
元臣遺像肅朝裳道範雍和姓字香位冠百寮
真輔弼望隆四岳古忠良身騎箕尾歸天上心
共辰星拱

帝傍晉謁槐階虔拜仰儀型百代永垂芳

何世璣

坦園已丑檢討山東新城人

宗臣遺像在劍履儼相親一德趨

朝日重霄報

主身房公真漢相潞國本天人大雅今寥濶秋風泣

石麟

模楷傳繒素音容憶昔年丹心長捧

日白髮舊朝

天大業垂鈞軸元功冠史編千秋名不朽圖書入凌

煙

王時憲

稊亭已丑檢討江南太倉人

元老騎箕返顛穹寢堂遺像挹光風官同周召
人情洽時際唐虞

帝眷隆四海儀刑推正直千秋勲業仰清忠不才久
荷甄陶德拜手遙瞻識上公

張

玠

蔚石已丑檢討湖廣湘潭人

大羅僊人黃閣老巍然開濟逢熙皞兩度調元
剛八年一朝光掩三台皓麻衣公子孝思長噎
不粒食支儀床音容的的說夢寐托寫繒素懸

高堂定省依然事昏晝不爭駒隙琴佳壽罔極
寧徒刻木人四海都應買絲繡

九重震悼禮有加

帝子捧奠臨臣家誄詞

親洒鸞鳳字三百六十珠生霞存心曰孝友佐斗曰
耆碩易名文簡萬口騰丹青引上書褒鄂旁求
已肖今家傳咸平何事圖麟閣我聞歐公遺像
留人寰兩本角勝形韻閒等閑安得親公顏會
丐虎頭神妙筆復作一本藏眉山

黃越

際飛已丑檢討江南上元人

北門入直接綸扉上相威儀列紫微和氣釀為
天下雨惠風徐布日中暉春深

講殿聞諮度晝永

行宮佐指揮啟沃淵微人不見每因遺照想遺徽

黎致遠

寧先已丑檢討福建長汀人

曾於華省覲蒼顏風馭飄飄竟不還十載絲綸

留鳳沼百年

優渥出鷓班甫申原自生天上星宿何能住世間芳

草石麟興悵望兩莖表柱即高山

張

照得天已丑檢討江南婁縣人

邴魏賢明相蕭曹社稷臣

帝心崇簡在民望協三春星位俄離舍圭璋竟委塵
千秋遺老誅軫悼重

明君

王

澍蕩林壬辰檢討江南金壇人

天上中台圻黃扉隕大星殊勲歸竹帛遺像落
丹青不朽傳三立如生儼一靈朝端瞻器宇海

內識儀型袖籠調羨手衣垂措笏形憂民心可
見論道語堪聽袞鄂思唐室蕭曹紀漢廷神猶
周赤縣精自達蒼冥既合圖雲閣還應列
御屏我來瞻拜處矯首涕先零

沈世屏

錫侯壬辰檢討浙江錢塘人

英靈間氣嶽生申翊贊昌隆作相臣簠簋瑚璉
禋廟器鹽梅舟楫濟時人謨謀四海憑書笏表
率千官獨謹身此日星躔歸傳說何年更得傍
車茵

夏慎樞

用修壬辰檢討江南丹徒人

元老蕭條赴尾箕百年功烈刻豐碑更看遺像
堂堂在想見訐謨定命時

魚水

恩深作楫年一堂謀斷喜交宣凌煙他日添顏色房

杜中間合比肩

林泉剛遂又巖廊綠野黃扉去住忙好向進賢
冠下驗絲絲憂國鬢如霜

櫪馬羣驚落大星蓼莪雙淚寄丹青他年碧草

黃鸝畔細認風姿似九齡

胡煦 滄曉壬辰檢討河南光山人

堯舜方垂拱
舉夔與贊襄
太和生宇宙
霖雨溢穹蒼
補袞無慙德
調羹剩遠芳
望因台鼎重
恩共地天長
燮理功殊偉
鈞衡道可方
以之叅密勿
用得起明良
大業彰圖史
勲名過漢唐
泰階無倚圻
寰海胥平康
方具北山志
旋開東閣堂
君恩深浩浩
臣志更惶惶
遽爾乘箕尾
悠然起聖愴

睿章憐國老隆禮降

天潢

錫謚崇文簡
遺休振紀綱
豐碑留大節
懿範肅官常
百代勲猷茂
千秋禮樂光
不須圖畫色
奕禩有餘慶

戈懋倫 勉齋壬辰檢討直隸獻縣人

耆德推元輔
中朝翊運昌
舊庸賡喜起
寅亮殫匡襄
卿月方呈瑞
台星忽掩芒
寫生延國手
遺範見羨墻
緬想經綸烈
還思翼贊良
惇倫崇孝

友立品蘊圭璋曾視鸞坡草旋飛牙府霜虞司
儲器用農政阜耕桑天部持衡肅

彤闈靖獻長惠疇符

帝賚秉軸表官常道以和梅重功因作礪彰謨猷資

補

衮黼黻佐

垂裳伊呂真朋輩舉夔可頡頏百僚瞻岱斗八載

覲龍光佇看登熙皞行將邁漢唐倏辭青瑣闥
遽返白雲鄉露冷仙輶遠風悲丹旆涼易名留

汗簡

錫奠爍

宸章一代褒榮典千秋翰藻揚高標欽玉潤粹質仰
金相繪像儼如在傳神技擅場球圖珍世守盛
羨溢縑緙陶鑄情偏切淵源感不忌燕貽知未
艾纘緒播餘芳

李如璐

佩五壬辰檢討直隸新安人

弼輔星光沒曉天黃扉氣象黯班聯山頽萃嶺
悲元老海靜波濤憶大賢相業曲從

宸翰出豐功獨向王堂懸溫公原是真司馬忠孝丹
心溢史編

宗臣遺像肅清高輝映凌煙意氣豪已向

螭頭逢稷契還於紙上拜蕭曹衣冠正處開生面

劍佩垂時動羽旄仍有精誠堪百世調羹常恐

聖躬勞

湯大輅

乘素壬辰檢討江南江陰人

保傅乘仙馭樞機失柱臣揆垣良弼遠册府樹

勛頻憶自從王日常懷翊

帝肫經文輝國典耀武暢威神萬里烽煙息千秋謨

畧新清標留栢府肅理著參鈞矢志操同雪馳

光色勝銀每勤密勿夜深慰廟堂辰鼎鼐資調

和陰陽藉合純

寵頒金鳳字

榮錫紫霄綸正值時清晏欣瞻翼亮寅迺騎箕尾去

無望鷺行循

宵旰褒功切臣隣議禮陳易名遵古制

錫祭表深仁隆典兼存歿殊施逾寶珍豐碑瞻仰處

奕葉重明禋

謝濟世

石霖壬辰檢討廣西全州人

相國已云歿憶昨陳嬰柳胡為肅冠裳使我頻
回首在昔弱冠時委身事我

后豈惟謹潔極獲

上在孝友敷歷五十年黃扉映紫綬太平真宰相後
來孰為偶古者戒止足近世亦已否夫子獨抗
疏時人比廣受顧惟民望切

主恩亦孔厚仍調傳說羨重飲曹參酒再起未為榮
羨公善其後惜哉就窀穸寫生看畫手吾聞忠
蓋臣正氣衝星斗丹青猶皮相君子所不取雖
然匪自今其來蓋已久不見麒麟閣當年圖某
某吾

君重股肱漢唐未見有還看貌殿壁魏丙同不朽

周

彬

文若壬辰檢討雲南昆明人

聖朝相業已先推到處而今識化裁雨露百年光俎
豆精神千載想鹽梅曉風習習煙花繞夜月紛
紛面目開祇是孝思悲刻木丹青何自壯靈臺

劉蛟 雲友壬辰檢討貴州都勻人

天生良弼際昌期想見調元贊化時紫閣風清
文教遠黃扉日暖武功垂山公早廓掄才量曹
父嘗籌裕國規文簡謚

頌光竹帛千秋遺像動人思

鄭其儲 又梁壬辰檢討湖廣石首人

歷代平章者青編記載詳曲江崇里號涑水重
名揚相業真難比公勲足並芳髻年通仕籍弱
冠秉軍裝大勇清邊域竒謀壯井疆為郎符列

宿出鎮撫遐荒化被昆虫樂恩霑士庶康賡歌
來

殿陛稽拜奉

君王視草

彤庭裏檢書翰墨塲贊襄隆禮樂燮理濟陰陽人
仰光風靄家傳和氣祥存心惟孝友報

國本忠良璀璨

龍文麗縹緗世業長蕪詞慚雅馴何以表休光

董宏 五峯壬辰檢討江南青浦人

維岳鍾神秀名臣有甫申丰標薄日月心志起
經綸望重明通譽人遊熙皞春肅瞻遺像在百
世仰陶甄

潘祥 蘭峯壬辰檢討陝西靖遠衛人

彷彿丹青恐未真歸然道貌凜衣巾從容進退
鈞衡倚

寵錫哀榮禮數臻峻節豐功寧過化光風霽月尚傳
神千秋私淑猶興起况復曾經拜下塵

王夢旭 初升壬辰檢討貴州平遠人

八載持鈞佐

聖人

九重補袞重純臣和調鼎鼎金甌固時運璣衡玉燭
新作楫終堪追上古為霖久已徧生民曾陪青
瑣供簪筆想像丰儀近

紫宸

從知相業炳千秋芳蹟何須史册求燮理功高
叅造化台衡望重并伊周股肱久盡臣心瘁文
簡深叨

聖典優此日暫歸蓬島去精神常到

帝京遊

徐流謙

尺木癸巳檢討順天大興人湖廣籍

黃閣頻年燮理開羽儀當代不凡才兼持文武
勲名遠重和鹽梅相業恢綠野堂成

天眷在白麻詔下

主恩纔蒼生此日思房杜箕尾乘來不勝哀

朱曙孫

景先癸巳檢討四川嘉定人

長白之英薦生偉人以輔國家以惠士民殲爾

蝨賊荒服來賓柔爾婦子粵海生春俾司喉舌
絳騶是鳴綱紀百度以肅以清正身奉法庶司
是平止談風月舉用甄明治叅鈞軸益精益勤
股肱彌力啟沃逾殷端莊儼恪佩響凌雲醑醪

賜酒

眷顧元勲功高歸養王鱠絲尊爰憶良弼重俾

新綸載輿上

殿四海含嘖作邦作基秉國之均黃閣旋開巫陽
下儋音容既去遺像丹青

進修是言卷四
三
典禮攸降以慰厥靈豐碑鼎彝下土是型億萬斯
年昭如日星

史在甲

姓忠癸巳檢討浙江鄞縣人

遺像仰宗臣仍如在

紫宸清高瞻劍履良易想絲綸德沛甘霖遍鐘銘偉
業新鈞衡方藉手羽化忽辭塵震悼勞

天子悲思及細民赤松歸碧落嘉樹閭平津詎得靈
臺似空傳阿堵神西州魂欲斷東閣語無因不
盡掃門意惟從刻木親千秋麟閣上一樣畫圖

真

向日貞

一齋癸巳檢討四川成都人

相國瑚璉器

熙朝領搢紳八荒開壽域一氣轉鴻鈞沙汰江河
濁調和鼎鼐新持衡留藻鑑聽履上星辰霖雨
思賢佐丹青憶老臣爲公歌古調涕淚在衣巾

張漢

月槎癸巳檢討雲南石屏人

上相經綸久清時佐治平居中調鼎鼐方外仰
聲名何意台星隕倍傷

聖主情空餘麟閣上丹彩畫如生

潘述祖

諡齋癸巳檢討江西上高人

翊運生良佐經邦得偉人早存伊尹志終獻鄴
侯身敷歷兼中外聲名邁等倫臨戎車有奭出
使馬維駟雨露敷

天澤烽煙靖塞塵

簡書勞鞅掌

錫予得奇珍

寵極心逾小功高力更陳臺垣移舊秩省部捧

新綸才可司綱紀忠能表縉紳

九重掄碩輔百辟式元臣紫閣論思久黃扉委任親
未應休沐蚤自合慰留頻再起調元化纔看閱
歲春旦方勤吐握說忽作星辰柱石三台坼鹽
梅五味湮相歌空比屋嘉樂輟

丹宸

贈卹恩何厚瞻依孝莫伸丁蘭思刻木道子肯傳神
風度全無改衣冠儼若新遺情如戀

闕隱念似憂民乍見翻疑夢低徊定得真恭惟

明聖主會與畫麒麟

蘓彤紹 蘭園癸巳檢討廣東潮陽人

道契羲黃聖形真啟沃良一朝違色笑奕世仰
冠裳古貌猶如接典型詎謂亡應知身後樂寵
錫有

宸章

梅廷對 素若癸巳檢討江西南城人

致治資良佐經邦仗老成
熙朝開泰運夫子際昇平丰采肅臺省冰操勵庶

卿度支嚴綜核銓叙藉持衡洵歷台階秩彌敦
恪慎情休休弘大度翼翼表精誠德望欽僚案
訐謨翊

聖明奇珍頻賚渥

睿藻屢叨榮天上修文召朝班灑淚盈儀型嗟已遠
圖像寫如生彷彿音容接依稀珂珮鳴丹青傳
氣象不朽是芳名

姚三辰 聖湖癸巳檢討浙江仁和人

古栢森森圖蜀相寢室衣冠鍾傅狀閣上凌煙

首房牡丹青千載高山仰公昔調梅入紫闈八
 載從容三揖讓曾從玉局望雲霄黃閣嗟峨聳
 絳帳潞公標格真天人使者改容額手向司馬
 復相走婦孺擊跪馬首問無恙會當再展元老
 猷被厥流風四海望何圖坐論席未煖忽騎箕
 尾歸天上市絕歌春委巷哭泰山頽矣我安放
 帝念庸勲勅鑄金民思盼蠻紛繪像蘇瓌有子更象
 賢赤舄遺容薦樽鬯元氣氤氳著袞絲靈風旌
 旆都飛颺分明霖雨慶雲中捧持

堯日丹心壯整冠肅拜却立視春風座上休休樣陋
 哉衰鄂逞英姿毛髮颯爽何足况

賈 姓 昆陽癸巳檢討河南葉縣人

卜枚深

聖眷名世肅賡颺賴有鹽梅手難如冰雪腸秉鈞弘
 禮樂論道燮陰陽朝野尊元老天人大一匡調
 羨歌合德鳴玉列諸郎世系絲綸羨家傳翰墨
 香城高書滿架膝繞笏羅牀誰謂儀型遠瞻容
 綠野堂

文大漳

清泉癸巳檢討廣西灌陽人

八載鹽梅豈偶然黃扉再入復昇仙堂堂相業
光天壤赫赫功名汗簡編已見

宗潢親奠筭須知

聖主重遺賢衣冠不改當朝日詎獨

新恩慰九泉

張元懷

田莘癸巳檢討直隸宣化人

紫府招良弼

彤庭憶老成芳規雖已遠遺像儼如生風度山瞻

峻淵懷水鑒清經邦孚

帝賚視草協

皇情光耀文昌座韜藏武庫兵中台無密啟夾袋盡

羣英一柱凌金掌三階正玉衡抗章纔得謝飛

詔復趣迎正藉調元化何期返九京旂常銘碩德彝

鼎著鴻名劍舄留祠宇松筠列墓塋

恩綸崇典禮千載有餘榮

陳法

世垂癸巳檢討貴州安平人

歎惜宗臣逝朝端憶老成殊勲原燁赫遺像仰

道修題詩卷四
崢嶸煙閣開生面雲臺列大名丹心照千古浩
氣想平生淵穆神還肅冰兢貌共清依然風度
在仰止有餘情

孫嘉淦

錫公癸巳檢討山西興縣人

煙閣鴻功著雲臺浩氣留謨猷冠一代劍履足
千秋白髮儼如動丹心尚可求鑄金

君寵渥刻木孝思周遺像媿諸葛綴辭愧夏侯音容
猶未遠不忍過西州

鞏建封

子文癸巳檢討陝西伏羌人

太平黼黻仰鴻功風度儼然鼎鼎崇玉燭長調
青瑣闈金甌

特簡碧紗籠詩歌孝友惟張仲望重耆英首潞公自
有

天章褒異典龍光爛燭五雲中

王葉焚黃

聖主憐

隆恩眷顧憶調元台衡自傍重華日霖雨群霑復旦
天謚定生前光汗史圖成身後彙瑤編袞衣赤

寫瞻遺像一代夔龍萬古傳

何人龍

雨民癸巳檢討江西廣昌人

昔裴晉公自顏其像曰靈臺一點丹青莫狀吁
如晉公言則相從心生之說又何以稱也我則
謂心顯諸相有如印板相顯諸筆有如脫胎殆
非不可狀也今我溫老夫子位與晉公埒德與
晉公齊至其相之魁奇俊偉且尤過之故於隆
準足以狀其心之正於隆顙足以狀其心之平
於河目海口足以狀其心之寬且容百世而下

丹青不滅靈臺即照耀人間也謹執而贊之曰
體莊色和其神穆如帶規佩衡其儀肅如色惟
和故能調鹽梅於鼎鼐佩惟衡故能掌黜陟於
階除

聖天子眷念老成白麻重拜賢宰輔勞心燮理黃閣
重居忽上天而騎箕尾遽辭世而駕輜車

天潢臨奠內侍陳蒨斯人也斯遇也周代三公莫
與匹歟虞廷四岳莫與京歟

陳世侃

行之癸巳檢討浙江海寧人

綸扉八載位調羹箕尾俄傳赴玉京四海驚心
齊下淚三毫添頰尚如生衮衣玉帶

君王賜清節鴻猷史冊名珍重郎君存手澤每看遺
笏泣文貞

天語褒賢下玉除豐碑十丈重璠璣丹青圖畫靈臺
狀金石流傳封事書笑語獨思開閣日精神恍
憶上朝初掃門我亦橫經士忍對遺容不歎噓

陳春英

西巖癸巳檢討廣東澄海人

耆年碩德贊鴻鈞風度當今第一人孝友題詩

承

聖主鹽梅調鼎羨名臣擎天八載雲龍合接晝三時
魚水親馨欬衣冠都未遠依稀遺範憶平津

潘

天

遺像題詞卷五

屠洵 少公癸巳庶吉士湖廣孝感人

天家寵命勒穹碑身後榮名萬古垂霖雨舊為寰海
福甘棠何止召南思能持一德扶鴻運獨抱丹
心結

主知箕尾歸天餘劍履高風渺矣莫攀追

李錦 綱文乙未庶吉士江南長洲人

間氣鍾靈異清時誕偉人從

龍綿世澤翹鳳屬元臣白羽滇雲外皇華粵海濱旋

歸青瑣闥時傍

紫楓宸憲府風何峻冬官績自新山公頻啓事韋相
早承綸鼎鼐鹽梅浹寰區雨露均伊周應比駕
房杜適同倫一代依星斗千秋仰化神音容瞻
肅穆冠佩見嶙峋浩氣栖華屋風煙淡玉津圖
麟功業在拜手欲沾巾

懷淵中

容江乙未庶吉士浙江嘉興人

一代元臣貴千年遺像新家聲承世閱品望冠
朝紳孝友聞張仲恩膏見召郇百寮瞻具美再

相喜長貧麟閣應留照鴻名已錫綸休休傳雅
度回首憶平津

李文銳

鼎臣乙未庶吉士江南長洲人

盛世推元輔朝端仰玉衡旂常懸偉伐鐘鼎勒
勲名密勿叅鈞軸調和佐治平趨蹌依

黼座出入冠承明

寵眷生前渥

恩褒歿後榮豐碑瞻

睿藻美謚協廷評麟閣今如在鴻猷孰與京嘉謨存

廟社愷澤遍羣氓俎豆千秋事謳歌百代情樗材
蒙採擇弱植荷陶成展卷神俱肅披圖淚已傾
應知世業茂奕葉振芳聲

蔡衍誥

紫泥乙未庶吉士福建漳浦人

雲從開碩輔嶽降毓名賢位重三台朗才優五
字連高岡頻鳳轉喬木屢鶯遷秉軸瑤階上和
羨綺殿前經綸全體國柱石信擎天已樹黃槐
茂還看綠野妍薰風依舜座湛露入姬筵噐宇
標龍馬襟期挺岳淵千官群仰止一介始周旋

脩爾乘虬去何時睹鶴騫松杉淒華表箕尾暗
星躔惟見典型在流芳百世傳

李克敬

子凝乙未庶吉士山東嶧縣人

大星光墮入空冥

聖主臨朝涕泗橫報

國精誠猶未已垂紳氣象儼如生陰符一卷銷戎
馬論語十篇佐太平伊呂功勳青史在披圖千

古拜神明

張應造

兆先乙未庶吉士江南吳縣人

日月光華近鹽梅事業崇垂名傳薄海秉道贊
深宮綠野仍憂國黃扉洵鞠躬乾坤真氣在瞻仰意
何窮

舊德雲龍會承

恩矢致身深知憑

聖主遺澤在生民泉壤哀榮備丹青繪寫新靈臺留

一點若箇與傳神

陳邦直

方大乙未庶吉士浙江海寧人

羽儀寮采復誰同舟楫長河處處通天上星辰

歸傳說人間元老想裴公沙堤重築

殊恩近金鑑長懸舊望崇且喜猗蘭盈九畹韋平世

業有家風

江

濟

弘庵乙未庶吉士浙江黃巖人

天柱忽云折

君恩及有終弘猷光化宇

恤典賁幽宮烏府驄常避冬官擦益崇風清萬里外

露湛九霄中

天與三台座人歌百世功秉鈞調密勿捧

日契昭融

禮遇超常等忠勤盡鞠躬丹心方佐斗灝氣已成虹
寵錫龍章懋新阡石馬隆更看青史上千載仰元公
表 璉 蔗村乙未庶吉士浙江慈谿人

一德颺休烈千秋著令名旂常懸姓氏星斗煥
精誠祕器東園

賜哀碑

北闕旌朝端完大節身後沐
殊榮不朽騎箕傳如存刻木丁鄭公智嫵媚鄂國想

崢嶸華衮山龍錫葱瑤玉珮橫休休還吐哺委
委儼調羹廟並麒麟閣堂侔錦水城東芻魂欲
斷搦管淚交傾世德槐陰遠家聲棣萼并韋平
應繼拜建慶共持盈分忝侯芭末詞慙顏誅輕
西州忍復過暮笛莫吹聲

吳應楨 小眉乙未庶吉士浙江歸安人

箕尾乘歸清燕堂宗臣遺像見焜煌秉鈞十載
調元化銘鼎千秋作憲章曾許眉山瞻永叔不
徒孝若贊東方

天家他日圖冠劍好向凌煙比杜房

明農暫許賦衡門

丹詔還趨入紫垣典備哀榮三命錫

帝嘉孝友一心存群從梅鼎思霖雨自覺羨墻溯道

源炯炯靈臺長照世買絲何必繡平原

陳

儀

象先乙未庶吉士順天文安人

舊學甘盤贊

聖謨臣心似水置冰壺十年丰采瞻臺閣三接光輝

想畫圖漠北賢勞隨豹尾台南功效見駟虞干

秋

錫命昭遺範留與孫曾作楷模

龍章象服炳丹青風度誰能似九齡綠野未營

裴度墅穹碑忽樹蔡邕銘朝端儀表思耆舊天

上光芒晦輔星可但哀榮優禮數會看麟閣

詔圖形

張麟甲

天池乙未庶吉士直隸新安人

山川凝淑秀鸞鳳耀威儀肅又音容在勲名竹

帛垂宗臣扶景運名世際昌期文武堪為憲謨

猷備對思直聲留栢府密勿贊綸扉葱嶺烽烟
靖軒車甘雨隨張弛抒碩抱敷歷見咸宜應斗
司喉舌調梅定鼎鼎竄賡颺踵穆契位望接臯夔
容德休休著小心翼翼持

宸章嘉孝友

聖眷屬期願麟閣瞻遺像千秋仰道揆

曹友夏

次辰乙未庶吉士江南金壇人

高山傾冀北大地坼幽燕箕尾宵無影璿璣夜
不懸先型悲聞若遺像仰巍然失怙垂髫日從

王弱冠年慕親情最切報

國志尤堅使節安黔粵軍麾靖衛闈黃門資出納
烏府藉陶甄秩晉冬官上班居庶職先勲猷真
茂矣勞勩罕儔焉一德孚於上

殊恩降自天龍墀欣鷺振鳳閣慶鶯遷八載公忠矢
千秋事業傳尚衣頒繡袞內廐錫花韉寶玩邀

宸賜珍饈分

御筵

皇情洵已渥

帝眷尙無邊林壑聊休暇槐堂復

詔宣存心褒孝友佐斗表耆賢正倚爲舟楫何圖侶

倅佺

睿思軫舊耆嘉謚慰重泉祭葬承隆禮

恩榮奕禩綿

張鳴鈞

雙南乙未庶吉士浙江烏程人

黃扉久沐三槐露青簡從看百世芳鳴尾新聲
標日月虎符舊續煥旂常曲江風度堪模楷傳
說星辰豈渺茫何事鶴歸華表上萬年毫頰動

清光

李鳳岐

周來乙未庶吉士江西南豐人

五色晴雲鎖綠槐衣冠栩栩動星台

聖朝黼黻昇平頌宰相威儀大雅開夢弼有形曾寫
照心忠似面自規恢黃扉八載多颺拜玉海千
尋絕溯洄遙指星槎通碧漢歛飛電影閃龍堆
香風不斷春歸水霽月長輝地伏雷况有清威
標左掖依然正色肅三臺陶融爲範調元化嗔
笑無私別吏材剩取丹青傳阿堵應教汗漫下

塵埃盤傾玉潤頻承

寵爪奠晶寒尚寄哀

杜如晦事

侍宴身前詩類庾

肩吾有念報在

身前

添毫頰上貌疑裴何當羽化摩天去風度

曲江憶選才

湯 倓

以安乙未庶吉士江西南豐人

龍馬精神意態殊儼然柱石舊規模秋霜為國
千絲鬢赤電臨機一寸矚奏事夜寒

金殿祕代言春靄

玉音敷清心照水誰堪寫長白摩天近

帝都

洪鑪鑄就世無雙萬斛龍文手獨扛白草霜威

開雪嶺黃茅瘴去暖黔江八年鼎鼎臣忠在再

命綸扉

帝澤厖今日見公遺像拜稚圭風範識安邦

凌如煥

榆山乙未庶吉士江南上海人

彼君子兮維嶽降神生此

王國實維阿衡靖共爾位以事

一人

彼君子兮而有遐心萬民所望惟此哲人召彼
故老秉

國之均

彼君子兮盡瘁以仕

王親命之以享以祀矢其文德不顯亦世

彼君子兮為龍為光其容不改顛顛印印高山

仰止懷允不忘

成文

綱齋乙未庶吉士滿洲人

四海承平日惟公秉軸時好賢心若谷樂善量

無涯霖雨敷天足丹青後代知明良傳盛事千

載一昌期

雨足雲歸岫蒼生望未休東山因再起黃閣為

重留久眷

恩彌渥新哀禮更優始終無復憾魂夢自悠悠

栗爾璋

蘭溪乙未庶吉士陝西寧夏人

啟沃資元輔經猷屬老成居心惟孝友報

國在忠貞

寵賁生前渥褒嘉歿後榮典型徒悵望青史待編名

楊超曾

孟班乙未庶吉士湖廣武陵人

公望領朝堂碩膚煥廟廊勲名姚與宋謀斷杜

兼房珣

賜鼎彝重

宸章翰墨香從來膺

渥眷此日足龍光箕尾雙星曜絲綸五色翔老成殷

聖念臨奠屬

天潢自是明良會應知雨露長衣冠仰山斗笑貌

見羨墻俎豆常無替

恩波正未央

李天寵

世來乙未庶吉士福建南安人

嶽氣鍾靈景運徽逢時秉國最崔巍勲名久已

傳青簡道範由來近紫微麟閣繪圖留不朽瀛

洲畫像儼生輝於今仰望三台位五色祥雲捧

日暉

朱

璋敬涵乙未庶吉士福建閩縣人

降嶽開名世乘箕憶哲人夙存忠孝志歷致靖

共身贊化勤調鼎宣猷重秉鈞德參伊傅席功

躡益阜塵黼黻崇元老躬桓寵舊臣易名

丹詔煥遺像彩毫新浩氣騰青漢精華護

紫宸休休資作楫几几自垂紳影動三台宿容含六
宇春典型堪起懦丰采藉傳真深得著存意疑
瞻陟降神摘詞頻仰止應未罄敷陳

揚鳳崗

羽聖乙未庶吉士四川新都人

氣象中和備風規稷契并三台昭碧漢五玉耀
神京翼翼存乾惕休休見朴誠仰瞻深敬畏入
望想生平碩輔當名世宗臣協拜賡承天八柱

聳順序四時成敷歷弘經濟專征富甲兵甘棠
南國茂烽火雪山清表德榮

宸翰咨謨契

聖情功勳盈竹帛積累啟豪英靈爽知常在光芒凜
若生千秋應不朽道貌著忠貞

汪受祺

九如乙未庶吉士浙江錢塘人

盛世韋平業寰區海嶽神弘猷宣內外遺像肅
清真紫禁推元老黃扉念舊臣帑金隆

賚予

天語賁絲綸輔政留芳軌貽謀啓後人趨庭常愛日
讀禮永思親爲覓丹青手圖成劍履新儼如聞
馨欬誰謂隔音塵握髮勤靡暇登堂願未伸自
慙同瓦礫曾得荷陶鈞綠野風如昨槐廳跡豈
陳百僚深仰止歌頌歷千春

陳世仁

元之乙未庶吉士浙江海鹽人

元老當年運斗樞八方霖雨竚嘉謨身歸天表
騎箕尾貌落人間剩畫圖褒鄂英姿煙閣上富
韓奇表洛城隅要知萬口傳遺愛瞻拜應看淚

眼枯

已聞哀

詔出彤墀刻木還餘孝子思繪素直應藏太室穹碑
不獨建羅池風裁想見憂民志馨欬如聞論道
時我爲蒼生弔安石百端交集一行詩

侯度

貞伯乙未庶吉士四川營山人

芳躅徽音誰可鄰黃扉兩度十年春易名典下
邀

恩重臨奠

王過

賜禮新威靖鯨鯢軍墮淚政留中外士沾巾誰將頰
上三毫寫瞻拜遺容自肖真

遙看箕尾怨乘空禮罷還思舊日容輔佐星辰
勞夢寐銘功歲月紀鐘鏞丰神澹澹含春蕙顏
色蒼蒼過雨松一自輜車歸化域囊餘奏牘任

塵封

吳傳覲

岳屏乙未庶吉士廣東南海人

夫子廟堂器渾然璞玉姿三千鍾秀氣五百應

昌期孝德存心厚謙光接物卑從王銜使節奉
命振軍麾葱嶺鏡歌急黔江露布施赤心簪白
筆鐵面陟

丹墀水部舒材力司農節度支銓衡干進絕總憲
紀綱釐正直群僚肅端方

聖主知晉階參密勿調鼎燮元機傳說真良弼姚崇
信濟時金章頻

賜賚玉食沛

恩施八載勤勞著

九重顧問殊養閒歸綠野

寵渥復黃扉正爾瞻霄漢倏然駕尾箕人言天柱折
古有哲人萎里巷停春杵衣冠執紼碑形歸華
表柱淚墮峴山陞遺像留天地鴻名勒鼎彝典
型猶可似小子倍瞻依

高荀僑

毅齋乙未庶吉士直隸靜海人

十載調元傍

九重宗臣偉業比夔龍正資碩輔參黃閣忽悼遊仙
共赤松道在時清垂汗簡澤流民阜想音容遺

真仍似旁求日華表何年返舊蹤

龍蛇入夢鳥為殃光掩中台第一行

聖主殊恩親作誄

賢王嘉禮自臨喪空教刻木瞻星岳無復垂紳立
廟堂從此西州門下路忍携馬策踏斜陽

潘淳

元亮乙未庶吉士貴州平遠人

一生憂國心如結再啟黃扉鬢已蒼但說賢才
時汲汲每承

天語夜琅琅銜將使節開蠻瘴領到軍麾奠海疆纔

許登龍台象圻拜瞻遺像淚霑裳

薩綸錫

鳳詔乙未庶吉士雲南楚雄人

聖主當陽德配天
嶽降挺生元老賢
望隆台鼎流芳遠
燕翼揚休遺烈傳
錦函載啟增慨慕
相君弱冠有奇遇
靈椿縱被雪霜凋
戮力勤王沾雨露
使節軍麾膺

特旨粵海黔山歌樂只提戈
萬里烽煙靜功著諫垣
帝心喜栢臺名高心尤清
冬官度支悉持平晉秩銓
衡叅密勿濟川舟楫梅和羨
頻

頒睿藻賜玉食

九重眷注榮何極
歛騎箕尾歸天上感徹

丹宸痛胸臆

天潢臨奠

帝命新

龍章袞錫典禮陳
永勒貞珉光泉壤
朝野咨嗟想碩人
東方留像繫人思
千載聿傳夏侯詞
握管將補史乘闕
碩輔勲庸永在茲

蔣林

元素乙未庶吉士廣西全州人

四海瞻華岱中原仰鳳麟銘鐘鴻業遠圖閣羽
儀真自昔星占傳由來嶽降申升朝懷履潔通
籍矢惟寅

綸綽銜王命烽煙佐肅臣度支天廩裕遴選宦途伸
冢宰登東閣中台近

北辰彌綸天地泰翊贊雨暘均白首調神鼎丹心秉
國鈞投閒

恩愈厚視事德彌新姚宋匡扶久韓歐學術純涵濡
民具壽煦育物皆春為

國優元老胡天萎哲人易名增

寵渥

賜奠灑悲辛劍履聲雖杳鬚眉畫有神典型千古在
珥筆媿敷陳

冀棟隆吉乙未庶吉士直隸永年人

鍾英川嶽泰階平秉軸綸扉翼

聖明竹帛千秋身未死畫圖百世氣如生麟符再握
承

天寵

鳳詔頻頒累代榮惆悵舊堂開綠野葵心仍向日邊

傾

關 陳 荔江乙未庶吉士廣東南海人

聖代資良輔扶輿毓偉人從

龍推貴胄翥鳳邁群倫筮仕臺垣重迎霜繡豸新封

章關國計蹇諤動

楓宸奉使流天澤宣威靖塞塵貳卿勤職守總憲著

忠純敷歷鴻猷懋清操

主眷頻司農綜核凜冢宰銓衡均

特簡秉鈞軸崇階領縉紳太平真有象調燮更無垠

玉饌

天厨錫金甌海國春冠裳懸日月劍履近星辰引退

循成典嘉謀重老臣丹書來

禁籞黃閣復經綸盛德

宸章賚元功上理臻聲施榮國史事業勒貞珉箕尾

人何去丹青跡未湮音容如可接遺像想精神

曹曰瑛 渭符翰林院待詔 內廷纂修江南貴池人順天大興籍


巖臣帝賚輔

彤廷廿載鴻勳紀

御屏沙路重登期捧

日火城還聚忽騎星溫公寬大真元老丙相中和仰

典型麟閣他年誰首繪端凝丰度炳丹青



程